



Tuzla, 15-05-2018  
Broj: 02-4-63-6274/2018

Na osnovu člana 70. stav (1) Zakona o javnim nabavkama Bosne i Hercegovine („Službeni glasnik BiH” broj 39/14), člana 99. Statuta Javnog preduzeća Elektroprivreda BiH d.d. - Sarajevo (broj SD-5211/16-38/2. od 29.03.2016. godine) i člana 4. stav 6. Odluke o utvrđivanju i rasporedu ovlaštenja Generalnog direktora, izvršnih direktora, pomoćnika generalnog direktora, Sekretara Društva i direktora podružnica Društva – Prečišćeni tekst (broj 06-6522/18 od 05.03.2018. godine), Direktor podružnice Termoelektrana “Tuzla”, Tuzla **donosi**

### ODLUKU

#### **o izboru najpovoljnijeg ponuđača u Otvorenom postupku javne nabavke 2000022394 (broj sa portala javnih nabavki 1405-1-1-60-3-114/18)**

#### **- Nabavka kancelarijskog materijala -**

##### **Član 1.**

Najpovoljniji ponuđač za „Nabavku kancelarijskog materijala“ izabran na osnovu provedenog Otvorenog postupka javne nabavke broj 2000022394 pokrenutnog po Obavještenju o nabavci broj 1405-1-1-60-3-114/18 objavljenog na „Portal javnih nabavki“ dana 12.04.2018. godine je

**„R&S“ d.o.o. Sarajevo**

##### **Član 2.**

Zadužuje se Služba za komercijalne poslove da u roku od 3 (tri) dana, a najkasnije u roku od 7 (sedam) dana od dana donošenja ove Odluke istu dostavi ponuđačima koji su sudjelovali u predmetnom postupku javne nabavke, te Odluku objavi na internetskoj stranici JP Elektroprivreda BiH d.d. – Sarajevo ([www.elektroprivreda.ba](http://www.elektroprivreda.ba)).

##### **Član 3.**

Obavezuje se ponuđač iz člana 1. ove Odluke da u roku od 5 (pet) dana od dana prijema ove Odluke, dostavi original ili ovjerene kopije dokumenata iz člana 45. stav 2) pod a), b), c) i d).

##### **Član 4.**

Ova odluka stupa na snagu danom donošenja.

### **Obrazloženje**

U Otvorenom postupku javne nabavke broj 2000022394, objavljenom na Portalu javnih nabavki dana 12.04.2018. godine (broj sa portala javnih nabavki 1405-1-1-60-3-114/18), u predmetu „Nabavka kancelarijskog materijala“, ponude su blagovremeno dostavili sljedeći ponuđači:

1. Aero Exclusive d.o.o. Sarajevo	.....sa cijenom od	13.647,00 KM bez PDV-a
2. Defter d.o.o. Sarajevo	.....sa cijenom od	11.996,30 KM bez PDV-a
3. R&S d.o.o. Sarajevo	.....sa cijenom od	11.879,68 KM bez PDV-a
4. Svjetlostkomerc d.d. Sarajevo	.....sa cijenom od	11.795,55 KM bez PDV-a
5. DMF Office d.o.o. Tuzla	.....sa cijenom od	12.948,52 KM bez PDV-a
6. Pčelica M d.o.o. Tuzla	.....sa cijenom od	12.517,12 KM bez PDV-a

Zapisnik sa otvaranja ponuda po Otvorenom postupku broj 2000022394 od 03.05.2018. godine dostavljen je učesnicima predmetnog postupka u skladu sa odredbama Zakona o javnim nabavkama BiH („Službeni glasnik BiH“, broj 39/14) i podzakonskim aktima.

Komisija za javne nabavke imenovana Odlukom direktora broj 02-4-63-4323/2018 od 10.04.2018. godine, izvršila je otvaranje, pregled i evaluaciju pristiglih ponuda i utvrdila pregledom ponude ponuđača „Svjetlostkomerc“ d.d. Sarajevo, PJ „Tuzla“ Tuzla da ponuđač nije popunio član 2. Obrasca „Nacrta Okvirnog sporazuma“ (cijena), dostavljen na strani br. 11 njegove ponude, prema zahtjevu tačke 9.6 Tenderskog dokumenta.

Iz naprijed navedenih razloga, odbacuje se zahtjev za učešće ponuđača „Svjetlostkomerc“ d.d. Sarajevo, PJ „Tuzla“ Tuzla prema odredbi člana 68. stav 4. tačka i) Zakona o javnim nabavkama BiH („Službeni glasnik BiH“, broj 39/14), jer njegova ponuda nije potpuna i ne ispunjava zahtjeve tenderskog dokumenta.

Ostale pristigle ponude učesnika predmetnog postupka prihvatljive su i zadovoljavaju eliminatorne kriterije zahtijevane tenderskom dokumentacijom.

Svi ponuđači koji su podnijeli prihvatljive ponude učestvuju u daljoj fazi postupka javne nabavke i to za planirano provođenje „e-aukcije“.

Nakon računске provjere, početna rang lista ponuđača koji su pozvani da učestvuju u e-aukciji („kriterij najniža cijena“)

Naziv ponuđača	Početna cijena [KM]	Osvojena pozicija
R & S d.o.o. Sarajevo	11.879,68 KM	1.
Defter d.o.o. Sarajevo	11.996,30 KM	2.
Pčelica M d.o.o Tuzla	12.517,12 KM	3.
DMF Office d.o.o. Tuzla	12.948,52 KM	4.
Aero Exclusive d.o.o. Sarajevo	13.647,00 KM	5.

Ugovorni organ je nakon unošenja svih prihvatljivih ponuda u sistem „e-Nabavke“ izvršio zakazivanje, tj. odredio početak i dužinu trajanja „e-aukcije“ za dan 11.05.2018. godine, petak u 9h sa dužinom trajanja od 10 minuta. „E-aukcija“ je uspješno okončana u 9:18h, te je formirana nova konačna rang lista ponuđača.

Konačna rang lista ponuđača nakon provedene „e-aukcije“ prema kriteriju za vrednovanje ponuda „**najniža cijena**“ - tabelarni pregled, počev od najuspješnije ka najmanje uspješnoj je sljedeća:

Naziv ponuđača	Cijena [KM]	Osvojena pozicija
R & S d.o.o. Sarajevo	9.600,00 KM	1.
Aero Exclusive d.o.o. Sarajevo	10.450,00 KM	2.
Defter d.o.o. Sarajevo	10.500,00 KM	3.
Pčelica M d.o.o Tuzla	11.250,00 KM	4.
DMF Office d.o.o. Tuzla	11.867,81 KM	5.

Na osnovu kriterija „**najniža cijena**“, ponuda ponuđača **R&S d.o.o. Sarajevo** najpovoljnija je sa ukupnom cijenom ponude u iznosu od **9.600,00 KM** bez PDV-a, te je nakon izvršene ukupne ocjene ponuda i provedene „e-aukcije“, osvojila prvu (1) poziciju po predmetnom javnom nadmetanju.

Okvirni sporazum zaključit će se sa odabranim ponuđačem na period od **12 (dvanaest)** mjeseci.

Na osnovu navedenog odlučeno je kao u dispozitivu Odluke.

**Pravna pouka:**

Protiv ove Odluke može se podnijeti žalba ugovornom organu JP Elektroprivreda BiH d.d. - Sarajevo, Podružnica Termoelektrana „Tuzla“, Tuzla, u roku od deset (10) dana od dana prijema ove Odluke.



Direktor  
*Izet Džananović*  
Izet Džananović

CO:

- Ponuđačima
- 63
- a/a